

新刻羣音類選

新刻羣音類選清腔卷二

虎林 胡氏 文會堂 校選

南呂

香遍滿一套

四景閨情
亦入絃索

紫陌紅徑丹青妙手難畫成觸目繁華如鋪蜀錦料
應春負我我非辜負春為着心上人對景越添悶東
甌令花零亂柳成陰蝶困蜂迷鶯倦聲方繞眼靜心
兒裡忘了想啾啾唧唧呢喃燕重將宿恨宿恨又題
醒撲撲簌簌淚珠暗傾四圍花悄悄庭院深默默情
掛心涼亭水閣果是堪空宴飲不見我情人和誰開

尊把絲絃再整，將琵琶慢撥，是奴欲寬悶情，爭知倦
聽。東甌令榴如火，簇紅巾，有焰無烟燒碎我心，懷羞
向前折一朶，觸觸捻捻不堪帶，奴家花貌不比舊時
容，害得伶伶仃仃，怎麼樣簪梧桐樹，梧葉飄，金風動，
漸漸害相思，落入在深深窠，一日日夜長，夜長難捱，
孤枕懶上危樓，望情人未必薄倖，與奴家心相應，知
他在那裡，那裡貪歡戀飲。東甌令菊花綻，桂花零，露
冷風寒，秋意漸深，驚聽得窗外幾聲孤飛雁，悲悲切
切如人訴，最嫌花下砌畔小蛩吟，咭咭聒聒惱碎奴
心。浣溪紗風漸急，寒威凜，害相思最苦怕黃昏，沒情

沒緒對孤燈、窓櫺兒數遍、數遍還再輪、盡角悠悠聲
透耳、一聲聲、哽咽難聽、愁來把酒強重斟、酒入在悶
懷、化作珠泪傾、東甌令長吁氣、兩三聲、斜倚幃屏、思
量那個人、一心指望夢兒裡、重相見、淅淅索索雪兒
下、風吹簷馬、把我夢魂驚、玎玎璫璫、惱碎奴心、尾聲
只為情人牽掛心、朝思暮想、珠泪傾、恨殺多才不見
影、

香遍滿一套

望情亦入絃索

陳秋碧

因他消瘦、春來見花真個羞、羞問花時、還問柳、柳條
嬌且柔、絲絲不縮愁、幾回暗點頭、似嗔我眉兒皺、懶

盡眉無情歲月去如流有限姻緣不到頭慙慙鬼病
幾時休綉戶輕寒透十二珠簾不上鉤金索掛梧桐
黃鶯似喚儔紫燕如呼友浪蝶狂蜂對對還尋偶無
端故把人倂懋一片身心如何教我得自由梨花暮
雨黃昏後靜掩重門只與燈兒廝守浣溪紗我容貌
嬌他年紀幼那時節兩意相投琴心宛轉頻迤逗詩
謎包籠幾和酬去久有些個風聲兒未真實見人須
問個因由劉潑帽浪遊那裡青驄驟向吳姬賣酒壚
頭烏絲醉寫偎紅袖廝逗遛一霎兒全忘舊秋夜月
恩變做讐頓忘了神前呪耳畔盟言皆虛謬將他作

念他知否，他待要罷手，我何曾下口。
東甌令難消悶，怎忘憂，抱得秦箏上翠樓。
絃聲曲意原非舊，淚濕了羅衫袖。
青山疊疊，水悠悠，何處問歸舟。
金蓮子表記
留香綃半幅，詩一首，做一個香囊兒緊收。
怕見那綉鴛鴦，一雙交頸睡沙頭。
尾聲等待他來時候，薰香重暖舊衾稠。
往事從前一筆勾。

香遍滿一套

閨怨

鸞凰同聘，尋思那人忒志誠，誰信今番心不定。
頓將人薄倖，可憐無限情，一似紙樣輕。
把往事空思省，懶畫眉，花開花謝悶如醒。
日遠日疎，冷似冰，眼前光景。

總淒清、暗水流花徑、深院黃昏、門半扃、金索掛梧桐、
謾教人憶茂陵、調絃誰共聽、少個知音、斗帳沉烟冷、
孤眠最苦良宵永、一似這樣淒涼、教我如何捱到明、
心腸總然、總然如鐵硬、曉夜思量、撲簌簌、淚傾浣溪
紗、誰慣經、相思病、怨只怨、枕閑衾剩、兩三盃酒、全無
興、空教我十二闌干、獨自凭心、耿耿想起、虛脾性、耳
邊言、那討真本、蘭亭劉潑帽、犯對景、對景無心詠、時
聞枝上流鶯、如何喚得、春愁醒、羞對畫屏、花間翡翠
雙雙並、萬慮生、獨守着房櫳、靜秋夜月、思餞行、親把
香囊贈、一曲琵琶、陽關令、春衫汨濕、君曾搵、番成做

畫餅似銀瓶墜井東甌令人何在夢難成水遠山遙
不記程雕鞍寶馬無踪影他那胡廝逞朱顏綠鬢易
凋零無奈痛傷情金錢花想你掩耳偷鈴為你絨口
如瓶待君歸後細評論夫妻似雁同羣懽娛似鳳和
鳴尾聲金釵鈿合花重整翠被香溫理舊盟帶綰同
心喜再成

香遍滿一套

寄妓

梁伯龍

雲容月貌尋常淡粧難畫出落風神年尚小一團
都是俏還人情性調總然種嬌不易得千金笑懶
畫眉蘭房聲價一何高才訝當年似薛濤因此上元

郎不憚路途迢迢爭柰他枇杷花下音書杳怎能彀直
至成都萬里橋（金絡索）匆匆歲月消寂寂音容悄曾
記蘭舟避跡潛移棹春山暗裡遊怕相拋執手偎依
廝纏着偷忙背語回身早側坐防人驀地瞧誰知覺
至今猶認夢中遭又不是水遠山遙魚遠鴻遙為甚
麼無消耗（浣溪紗）你情自投我恩難報最堪憐兩地
蕭條憑誰訴與娘行道我不似青樓名倖薄雖見訴
恐無憑話未真實只落得夢斷魂勞（劉潑帽）盡樓頻
倚想雙蛾峭對簾櫳淒楚無聊瑤琴謾寫相思調音
韻喬彈出兒孤凰操（秋夜月）初夏交記那日人曾到

蠅頭小字親相召，誰知病滯文園老。空回帖草草，枉
歸程渺渺。東甌令難消受，印心苗未必空。亡坐本爻，
紅鸞幾日輪佳造。必定有花星照。那時節華燈燁燁，
影搖搖。偷卸翠雲翹。金蓮子鸞鳳交，恩情美滿同懽
樂。這一段姻緣兒怎拋。恰正是遇雲英，一雙雙仙子
渡藍橋。尾聲共引入蓬萊島。仙源此去路非遙。洞口
雙吹碧玉簫。

梁州小序一套

閨情

陳秋碧

西園暮景，南軒初夏。池塘青草鳴蛙，陌頭楊柳，清陰
漸可藏鴉。無奈關情杜宇，惹恨鷓鴣。占定荼蘼架，又

早芭蕉分綠上窓紗、閒看兒童捉柳花。（合）珠箔捲金
鈎掛、怪無端一夜東風大。花歷亂絮交加。（前腔）瑤臺
寂靜、朱闌幽雅。海榴新放紅霞鴛鴦交頸、雙雙睡煖
晴沙。早是金鍼羞度、綵線慵拈、刺綉都停罷。忽見營
巢燕子語窓紗、蝴蝶雙雙入菜花。（合前）（前腔）枕痕紅
玉臉生瑕。正日午香消金鴨、試臨風對景、謾理琵琶。
好是重煩素手、欲演新聲、舊曲難拋下。肯分黃梅細
雨潤窓紗。少女風前爛熳花。（合前）（前腔）對香奩脂粉
羞搽、臨寶鑑蛾眉慵畫。病恹恹近日、瘦損因他、為謝
金籠鸚鵡、解語能言、薄倖題名罵。最怜開遲芍藥近

窓紗落盡春風始見花。(合前)節節高。蘭舟戲女娃。是
誰家。湘裙掩映凌波襪。眉新畫。盡槳雙聲咿啞。青青
荷葉無多大。藕絲先把情牽掛。(合)翠羽飛來綠葉叢。
玉盤欹側瓊珠瀉。(前腔)徐行傍水涯。扇羅遮玉纖笑。
挽鮫綃怕垂楊下。遣悶懷消清暇。女郎相見渾驚訝。
誰人可與知心話。(合前)尾聲。想薄情難甘罷。笑拈梅
子謾嗟呀。梅子流酸濺齒牙。

梁州小序一套

閨情

幽香新染鮮紅嬌露。一段風情都付。深閨酣睡鶯鶯
燕燕相呼。驚破枕邊孤夢。番做相思。泪點珍珠。驛別

離容易也。悔當初到處尋春花柳多。（合）芳草色暮雲
渡。盼王孫隔在天涯路。三月景又辜負。（前腔）韶華濃
麗江山今古。彷彿丹青堪觀。遊人如蟻尋芳競試輕
羅。爭奈那人不見。暗數歸期。又早清明過。滿懷離恨
譜。向誰訴。不覺裙圍寬褪多。（合前前腔）暖沙堤忽見
鴛鴦戲。清波雙雙交臥。正廉纖細雨。暝烟凝霧。爭奈
房櫳靜悄。夜色淒其。試卜燈花朵。幾回推枕起。閒端
娥。何事孤眠怨恨多。（合前前腔）好園林錦綉模糊。薄
東風遊絲輕舞。記當初執手。送君南浦。瞬息年華依
舊。愁緒縈牽。擊斷金釵股。畫長扶倦起。髻慵梳。無柰

慙慙瘦損多、合前節節高、合湘雲淨綺疏、捲流蘇、依依
綠柳牆頭護、誰知我、攢翠蛾、相思苦、沉沉井底銀瓶
墮、魚分比目銀河阻、合自惜芳菲褪、紅顏薄情把咱
青春誤、前腔冰絃懶去、和爐金爐、雕闌獨倚、聽鷓鴣
天憐我、鶯枕孤、蕭條戶、鐙鐙擊得菱花破、合前尾聲
良辰九十成虛度、嘆王孫、歸計杳無、何日相逢、事事
可、

梁州小序一套

題情

許石屋

仙橋星耿、銀河光爛、織女支機初見、夢魂驚起、渾疑
沁玉清泉、最愛春風楊柳、秋水芙蓉、夜月梨花、艷嬌

羞雲亂綰、羽衣騙、今日飛璫下九天。(合)沉玉漏、催銀
箭、千金難買良宵宴、金屋裡、貯嬋娟。(前腔)沉香烟裏、
湘波簾捲、月色花陰零亂、鳳簫聲咽、霓裳一曲曾傳、
一似隋珠微暈、趙玉生香、楚峽神仙見、多情多恨種、
又相牽、腸斷魂消離別天。(合前)(前腔)五百年恩債勾
填、十二樓風光獨占、整西風玉勒、醉花金碗、謾道江
湖踪跡、風月襟懷、山水幽盟戀、功名緣分淺、且畱連、
萬里扶搖尺五天。(合前)(前腔)九迴腸離恨重添、五色
絲、命魂難綰、幸今生半世、與伊為伴、這的是風流情
債、歡喜冤家、好惡姻緣案、尋思真業障、總前緣、試向

那難兜率天。（合前）節節高。雙鈎控玉環。映朱顏。弓彎
試踏蒼苔遍。春風面。翡翠簾。桃花扇。何時得遂風流
願。畫樓同鎖。鴛鴦暖。（合）只恐光陰易蹉跎。姻緣百歲
驚飛電。（前腔）徘徊歌舞筵。勝三千。杏花春。兩人難見
真嬌艷。煞可憐。增腸斷。月明同倚雕闌畔。綠烟低鎖
垂楊院。（合前）尾聲。落花無數情撩亂。愛殺香迷玉戀
只怕宋玉多愁素帶寬。

梁州小序一套

春游

東吳名勝。江南佳麗。雨過清明天氣。香風輕送。蘭舟
闌出郊西。只見千岩競秀。萬壑爭流。遲日江山麗。流

鶯聲百轉、燕雙飛、綠軟紅柔、簇錦機、花藤轎、雕鞍騎、
指烟霞處處、堪遊戲、爭覓友、共携妓、前腔、良辰美景、
賞心樂事、賢主佳賓相會、金尊高舉、相酬共慶明時、
揔把鶯花管領、風月消除、笑傲蓬壺內、相將過竹徑、
度桃溪、油壁車輕、金犢肥、絃管鬧、笙歌沸、見玉山漸
倒、非人力、君醉否、我先醉、節節高、佳人步步隨、翫仙
姿、香嬌玉軟、花柔膩、垂紅袂、感翠眉、歌金縷、行雲不
動、花喉細、曉鶯枝上、同嬌脆、合、唱道朱顏不再來、東
山醉倒、西山醉、前腔、青青襯馬蹄、醉眠遲、枝頭杜宇
聲聲急、催人起、紅日西山橫、翠東風、扯住遊人袂、謝

安休負東山意（合前）尾聲人生若遇昇平世不追遊
洞天福地洞口桃花也咲痴

梁州小序一套

蝶

梁伯龍

郊原風暖園林春霽日午香薰蘭蕙翩翩綠草尋芳
競拂羅衣只見鞦韆初試紈扇新開驚得雙飛起為
憐春色也任風吹飛過東家知為誰（合）花底約休拆
對荼蘼楊春夢渾無際關塞路總迢遞（前腔）羞池羅
幙徘徊宮髻撲著花兒斜綴金鬢輕展芳心未露先
知恰似偷香韓掾傳粉何郎慣作司花吏畫橋風細
也賣花回亂逐餘香過水西（合前）前腔向蘭闥欲作

良媒為經雨暫飛猶住況重簾隱隱欲投無計枉自
相隨油壁獨叩花房風動還空退殘紅零落也伴香
泥浪撲金鞍送馬蹄合前前腔正東城雙宿雙飛又
南浦離羣失隊嘆花溪深杳再逢何地應是狂隨香
絮舞入梨花畢竟無尋處乍來還去也是和非何日
牆頭接翅歸合前節節高誰餘故館基野花迷漫尋
珠翠投荒砌空畱滯芳草萋蒼苔蔽踽踽弱態今何
處芳魂應逐秋風去合半載分離不多時春來依舊
重相會前腔輕盈漢殿姬素蛾眉粉容旖旎春香臘
迎風倚著露畝經烟醉霓裳舞罷歸環珮紛紛盡入

周公瑾你莫浪聞這恩德應難盡大勝樂問娘行這
段姻親却緣何心便肯多應宿世緣和分因此上一
時渾分明是雙雙蛺蝶迷花徑兩兩鴛鴦護水紋情
真意懇非干是偷寒送煖棄舊憐新解三醒休忘了
分香寶鼎休忘了待月疎櫺休忘了生辰八字親相
訊休忘了對剪烏雲休忘了侯門畫索潛投奔休忘
了別館宵分挹泪痕伊休混須不是他家行逕似假
疑真節節高恩情難具陳未經旬別離兩字當心攢
歸何迅孟易傾情難盡春明門外程途亘疎林處處
斜陽映只恐分離在須臾片時人遠天涯近三學士

都城南出霜風緊，黯然欲別銷魂。君如想妾還愁妾，
妾若忘君是負君。歲月蕭條難過遣，書和信莫厭頻。
大牙鼓離亭酒一尊，青衫濕處盡是啼痕。滿足馬
投荒徑，嘹嘹征雁度孤村。雜沓長途淒涼暮雲，撲燈
蛾時開一紙書，每玩雙鈴印。追想那多嬌，不覺迷畱
沒亂也。看腰圍瘦沈，願年年芳艸帶王孫。鏡臺前逗
遛京尹，眉重暈。紗窓著意再溫存。尾聲：春風再入淮
南郡，看行行一騎到都門。肯做青樓薄倖人。

宜春令一套

闌情

高深甫

燈前恨，夢裡人。似風帆，搖搖此身。銀河鵲渡相逢也。

得年年准、似如今何處朱陳都忘却、舊時秦晉白風塵。多少恩情、換來愁悶。(太師引)這些時、何事縈方寸、悶懨懨、春風困人、空消受、多愁多病、竟冷落、為雨為雲、常時、泪滴忙偷搵、嘆寂寞、有誰投奔、雙魚信、年來未聞空教我對鶯花瘦、損精神。(鎖窓寒)暗河橋、春樹森森、望斷天涯、不見君、看樓前飛絮、陌上行人、風塵斷線、往來無准、指歸期、難憑音問、此身飄飄、何日化行雲、和他夢裡溫存。(三段子)青樓笑頻、他那裡、新人意親、黃昏夢魂、管甚麼、舊人怨嗔、我想舊人空自多新恨、新人未必常親近、新舊恩情、也須平半分。(東甌)

令開金鴨、斷瑤琴、冷落紗窓。又一春、梨花零亂、桃花
褪、芳草連天。恨鶯鶯燕燕、總撩人、碎割別離魂。三換
頭、前生此身、姻緣未盡。今生此身、恩情兩分。暗想來
生無准、怕似如今。難道是兩三番、都成冤恨。慣惹多
情病、難逢有義人。捱過殘春、又被那一陣飛花、引夢
魂。劉潑帽怕人暗地裡猜疑、問百般兒、強自支分。苦
心汨眼、常含忍、薄倖人到底他心腸狠。天勝樂恨花
星不照青春、好風光、無分寸。五行怎沒個紅鸞運、單
寡宿、與孤辰。却教我行藏常帶臨川恨、風月空懸司
馬奔。粉消玉損、苦只苦人閑清畫、花落黃昏。解三醒

想着他溫存安頓，就其間分外生春。他同衾共穴，心
兒肯，朝和暮，意兒真。他把太行說盡，為盟押，却教我
滄海流乾，是病根。從今恨，梅山同層壘，水共沉淪。節
節高，淒涼不忍聞。暗消魂，窓前雨急，風兒緊，寒燈燼。
孤雁聲，春宵悶。參商慣擺，迷魂陣，別離如刺，心頭刃。
佳期只索夢兒頻，誰知夢見猶無准。
（三學士）無計從君心，自忖，除非是羽翼凌雲，君家住處，知何處，妾便
逢人難問人。渭北江南，天遠近，芳草路，雨紛紛。
（大迂）鼓從前錯認真，因他留戀，即便成恩。那知恩愛，空調
引，當初留戀，枉勞神。寂寞春愁，蕭條病身。
（撲燈蛾）啼

紅減翠顰，怨粉輸香韻。楊柳帶柔腸，又見海棠風謝也。芳心隱隱，想乘鸞跨鶴，兩魚門鳳簫聲暗生愁鬢。天台信，可憐回首隔芳塵。
（尾聲）蜂愁蝶怨，春思窹，月缺燈殘夜愴神。況是我夜夜無眠，病怯春。

宜春令一套

紀情

張叔元

梅霖霽，溽暑新正。蕭齋詩書倦吟，北窓夢醒，南薰拂拂，篩篩松韻。病文園香茗旋烹，歌解慍水絃漫整。試聽鳴蜩樹底，助人幽興。
（太師引）遍園林綠樹參差蔭，有榴花紅裁茜中，消盡了空堦獨夜，偶喜得良友閑行。畫橋十二，浮烟艇來往處，芰荷香趁綠，何的慵調飲。

冰、那、些、箇、納、涼、時、雪、藕、佳、人、（瑣窓寒）怪、無、般、野、蔓、開、
藤、繚、繞、瓊、枝、妒、玉、英、看、端、詳、舉、止、瀟、洒、胸、襟、丰、姿、嬌、
豔、肌、膚、豐、潤、好、留、連、惜、花、心、性、驀、驚、疑、眸、無、語、背、雲、
屏、果、然、宜、喜、空、嗔、（三段子）何、方、幻、身、是、秦、淮、芳、叢、占、
名、何、年、試、春、是、羅、敷、當、筭、妙、齡、想、前、生、胡、馬、琵琶、恨、
今、生、環、珮、歸、魂、逞、溷、跡、風、塵、畫、圖、堪、省、（東甌令）才、相、
見、便、關、情、兩、下、心、猿、不、慣、撐、筵、前、悄、把、香、肩、並、嫋、嫋、
香、喉、俊、柰、霎、時、不、見、暗、銷、魂、孤、影、盼、空、庭、（三換頭）相、
思、頓、增、寸、腸、難、罄、懨、懨、悶、也、這、顛、顚、幾、曾、誰、憐、瘦、沈、
喜、多、嬌、早、暮、裡、殷、勤、語、言、垂、訊、忍、覩、河、陽、令、甘、同、卓、

氏奔着熱知疼想是業債風流宿世姻劉潑帽金甌
涼透中秋景見西湖浩渺波澄雙雙搖曳扁舟與結
同心松柏下西陵徑大勝樂段家橋乍擁冰輪暝烟
收人已靜休題褥綉和屏錦闌干外遠纖塵合歡豈
憎寒蛩韻引興猶憐睡鵲驚風清月冷恍疑是襄王
巫峽為雨為雲解三醒驪宮鴉紅腮欹枕鬆鴛扣玉
骨連衾嬌怯怯酥曾汗濕陽臺醒意孜孜海誓山盟
堪愛你蘭心正是疏芳畹堪愛你蕙性休論逐水萍
還思省不羨那秦樓蕭史跨鳳瑤京節節高重陽高
處登慢携尊山樓更擬諧秦晉霜風緊霜葉零霜華

凜嬌來啼粉流青鏡春山淡却俚京尹緩步階除滿
目秋天香笑折簪蟬髻（三學士）衾羅燒燭香初燼橫
波誓訴丹誠今宵洛下投魚水甚日湘陵鼓瑟琴自
幸兼葭依玉樹蜂和蝶莫浪爭（大迂鼓）閒關惜燕鶯
雙飛並宿美滿恩情臨粧懶覩盤龍影顰蛾怕說寶
釵分繾綣柔腸悽遲夕曛撲燈蛾吟同桃李華賞共
蟾蜍影更雨過漣漪又早瓊瑤飛墜也有許多佳景
章臺別館任溫存既相逢肯教孤另都休哂藍橋有
日會雲英（尾聲）從來好事皆前定紅顏莫使吳子
只索要暮暮朝朝辦至誠

紅衲襖一套 寄情

金白嶼 梁少白
改定

彈香肩鬆臂金削纖腰寬帶錦這些時懶把生綃理
鍼紵羞將寶鴨添水沉自別來還至今幾時曾放下
心不能殼一霎徘徊兩意綢繆也只落得長夜孤眠
伴綉衾五更轉冷鳳幃虛鴛枕對金尊誰共斟淒涼
此際難消任誰料冤家薄情特恁到今來猶記得花
前飲閑窓寂靜空顛窸彷彿逢君梅花月墮浣溪紗
他負心真忒甚枉教人肺腑簽針金錢不准年來識
錦瑟空閑月下吟身凜凜不由人不迷魂沒合煞空
勞勞吊膽提心東甌令心中印口中鵲到向那陽臺

曉夢尋、清宵泪滴衫兒裊。桃花冷、胭脂沁、盡闌月轉。
粉牆陰、無柰漏沉沉。天迤鼓逢人覓信音。柰衡陽雁
杳、湘浦魚沉。傷秋漫把閒愁禁。怎當他、夕陽歸鳥下
疎林。撇却懽娛、番成病侵。節節高秋來、意更深、漫思
尋。音書欲寫、還廝噤、空追審。不見臨、因此甚、免毫血
蘸尖兒浸。鸞牋墨洒行兒淋。一緘離思、逐雲飛、遍身
香汗和衣溼。金蓮子倩塞禽、多情定見機中錦。料應
是長吟、還短吟、為甚的惡姻緣、更重重、遠水又遙岑。
尾聲、算來人世多讒譁、大都常是負初心。誰似我海
樣相思、直到今。

金絡索一套 宴賞

楊德芳

朱花疊錦池，瑤館浮香細。水榭風軒小，酌清煩暑。娉
婷試玉纖，笛低吹香滅。微紅褪口脂，珮環幽響。諧仙呂，
簾捲中庭，午日遲清音沸。碧梧枝上鳳聲微，合看花
倚芳姿。柳舞羅衣，似與人爭麗。前腔榕陰結翠幃，密
葉新蟬語。香徑迂回，流水涵庭宇。鐙鐙響玉筍，促紅
絲。寶柱斜分，朔鴈飛淒淒。似訴相思，竟花落深閨。玉
筍垂天，風細江空月朗。鶴聲遲。合前前腔新篁遶玉
墀，紅藥侵闌媚。綉箔銀屏低，隔花陰碎。筵前擁玉釵，
羽觴揮酒暈。凝紅半醉時。陽春一闋，黃金縷。撥亂春

情不自持，潛聽處，隔花鶯語最高枝。（合前）前腔垂雲翠幘低，隔斷塵千里。香袖飄飄，寶釧明花底。驚鴻弱態狂綠雲，欹錯落金釵小鳳垂。盈盈無力，筵前矜，不怕東風扇底吹。渾相類，蹴花飛燕拂屏幃。（合前）節節高驕，鴉匝樹啼。月來時，絳河清淺，天如水，繁華地，人笑嬉。珠簾內，花生寶炬明羅綺。紅衫酒浸生香細。（合）好花偏插少年頭，金尊浮白拚沉醉。（前腔）長安豪俠兒，利名羈黃塵，款段多顛躓。傳觴解，孰若茲花叢內。金釵十二橫高會，銅駝金谷笙歌萃。（合前）尾聲席家春色寒烟裡，舊日風流何處歸。騎從從教再四催。

金索掛梧桐一套

春遊
亦入絃索

殘紅水上飄，青杏枝頭小。燕子來時，綠水人家遠。天涯何處無芳草。牆裡鞦韆，牆外行人道。牆外行人聽得，牆裡佳人笑。正是多情，却被無情惱。東甌令。桃花落，柳絮飄。麗日和風，天氣好。鞦韆蹴罷，閑行樂，重整羞花貌。蘭堂開宴，列笙簫，逢佳節，樂醕醕。（皂羅袍）此景不寒不燠，見千紅萬紫，巧筆難描。紫燕黃鶯語聲嬌。雙雙粉蝶，花間遶。閑行遊玩，踏青闌，草香車寶馬。不辭路遙，儘今生賞玩，同歡笑。（尾聲）寶爐中，沉烟裊。歌聲鼎沸，透青霄。賞玩遊春，直到老。

梧桐樹一套

題情

相思借酒消、酒醒相思到、月夕花朝、容易傷懷抱、懣懣
病轉深、未審他知道、要得重生、除是他醫療、他行
自有靈丹藥、東甌令、情人遠、眼波遙、咫尺粧橫天樣
高、月圓苦被陰雲罩、偏不把離愁照、玉人何處教吹
簫、辜負了這良宵、浣溪紗、我自招、隨人笑、自言來好
物難牢、我做了謁漿崔護、違前約、採藥劉郎、沒下梢、
心懊惱、再休想盡堂中、綺筵前、夜將紅燭高燒、尾聲
我青春、他年少、玉簫終久遇韋臯、萬苦千辛休忘了、

梧桐樹一套

題情

陳秋碧

香醪為解愁、酒醒愁依舊、斜月殘燈、正是愁時候、愁
憑酒破除、酒被愁迤逗、酒力無多、酒去愁還又、愁深
酒薄難禁受、東甌令、花凝恨、柳含羞、花柳傷春人病
酒、鶯啼燕語、清明候、全不管人消瘦、殘雲剩雨兩悠
悠、遮斷晚粧樓、大勝樂、桃源洞、花事都休、許劉郎、重
到否、啼痕湮透、青衫袖、傷白傅、惱江州、這些時、瑤琴
罷、却求鳳奏、可正是紅葉誰人寄、御溝陽、臺夢杳、苦
追踪、問跡似無、還有解三醒、忘不了、共携纖手、忘不
了、西園秉燭遊、忘不了、同心帶、結鴛鴦扣、忘不了、羅
襪雙鉤、忘不了、香囊雜彩、親挑綉、忘不了、百寶珍珠

絡臂韉、閒窮究、把嬌歡、美愛盡付東流。
（尾聲）好姻緣、還成就、綉幃錦帳、效綢繆、
月底新詩再和酬。

柰子花犯一套

閨怨雙閑語

新月曲一似蛾眉、恨嫦娥、未有圓時、終朝漫劈桃箱、
碎、那人兒、振橫在心裡、因你、日裡夜裡、思憶、空思憶、
慢思惟、沒底、糧船、怎載米、蜘蛛、佈網、在雕簷外、絲牽
繫、無韁、握馬、有何鞍、料難騎、（前腔）磨坊中、掩上門兒、
要見面、未知、是何日、玲瓏、骰子、鑽紅豆、這相思、嵌入
在骨裡、因你、茶裡飯裡、思憶、空思憶、慢思惟、雪做獅
子、情似水、無錢、典褲、難開解、渾無計、願他、心似鐵、堅

牢鎮威隨前腔。啞子得夢有誰知。向人言有口難啼。
春蠶到老不結繭。要成綿。怎能殼着體。因你行裡坐
裡思。憶空思憶。慢思惟。黑地裡逢人知。是誰燒香在
井底。虔誠拜。深深意。燒殘蠟。燭淚雙垂。自淋漓。前腔
旱池中。那討蓮漪。種荷花得藕。堪移。黃連販去折了
本。苦無緣。埋怨着甜的。因你眠裡夢裡思。憶空思憶。
慢思惟。古墓裡藏身。着鬼迷。竹竿種火空長嘆。虛着
氣。銅錢博下。沒有成。字曉蹊。尾聲。兩岸蘋花不是簪。
瀟湘洒淚如珠落。火着到胸前。心自焦。

石竹花一套

相思

此套有入中呂作惱花泣者

從他別後、海角天涯、終朝懸望眼巴巴、悶倚在圍屏
下、月兒又斜、這早晚不見歸家、為伊行相思病轉加、
粉墻上暗把金釵畫、可惜了月貌花容、顛倒做敗柳
殘花、前腔早知道無心戀咱、想當初不與他干休罷、
是奴差、常言道愛他反着他、怎學得文君司馬、俏冤
家、奴為你耽驚受怕、怎下得拋閃奴家、夜深月上茶
蘼架、恨轉加、我這裡淒涼、他那裡笑耍、空設下海誓
山盟、都是假、教奴牽掛、漁家傲莫不是水漲藍橋下、
莫不是烟鎖巫峽、莫不是打碎鴛鴦瓦、莫不是十里
紅樓戀住他、奴為你影隻形單、驚孤鳳寡、奴為你瘦

似麻糍腰肢一捻奴為你卜盡龜兒卦奴為你暗數
歸鴉前腔頓忘了青鸞同跨頓忘了初相交翦下頭
髮頓忘了色膽天來大頓忘了紅馥馥灸下香疤這
離情怎麼那時節怪不得爹娘罵濃霜偏打無根草
險些兒病染黃沙呀這相思害得人眼花鍼和線懶
拿脂和粉懶搽姐妹行中無心去耍尾聲謾把愁腸
訴與他恨不得指定名兒罵及至相逢都是假

香羅帶一套

閨怨
小歌帖

東風一夜冽雲收雨歇傷心怕見窗外月嘆嫦娥獨
守廣寒闕也為我多愁處照離別更長漏永燈半滅

(合)便做挫折金鍼也解不得我愁腸千萬結(前腔)愁
腸千萬結實難打疊新愁舊恨都莫說怎捱過今夜
這時節也只見雕床靜綉幃揭無言怕聽窓外鐵(合)
前(醉扶歸)鶯儔燕侶恩情絕鶯交鳳友頓拋撇本是
韓憑塚上兩鴛鴦做了莊周夢裡雙蝴蝶(合)曾和他
綉帶結同心反教我翠袖沾紅血(前腔)雲鬟散亂金
釵折腰肢瘦損絳裙摺誰想燈花不准鵲聲空再來
不把金錢跌(合)前(香柳娘)嘆陽關唱徹嘆陽關唱徹
并梧飄葉把佳期望到梨花墜雪這深盟永訣這深
盟永訣秦期晉約都成吳越(合)要相思要貼要相思

妥貼直待黃河水竭泰山崩裂前腔柰衡湘信絕柰
衡湘信絕綢繆喜悅如今博得憂愁慘切想音調韻
咽想音調韻咽心似酒旗臨風望月合前尾聲啼痕
界破桃花頰蛾眉蹙損遠山月總使蠟燭成灰心尚
熱

十樣錦一套

題情

綉帶兒幽窓下沉吟半晌追思俏的情娘娉婷態不
弱鶯鶯妖嬈處可比雙雙非獎宜春令最堪誇性格
非常難描畫身材生得停當說不盡風流可喜萬般
模樣降黃龍想當日月下花前吐膽傾心把誓盟深

講行思坐想，行思坐想，望盡老今生，和你同做鸞鳳。

醉太平

誰想，驀然平地浪波生，信知道禍從天降，霧

迷雲障，被鴛母苦死，打開鴛鴦。

院溪紗

情慘傷心絕。

快閣不住淚珠汪汪，勞神役志，鎮端詳，忘食廢寢空

望想。

咏木兒

設計施方，要見難，除非是夢兒裡來到。

伊行，憐香惜玉，相偎傍，尤雲殢雨，同鴛帳，被數聲疎

雨敲窓，散高唐春心蕩漾。

鮑老催

此情怎當，羅衣尚

存蘭麝香，鸞牋枉寫離恨章，人何在，謾嘆息，空惆悵。

惱得潘郎兩鬢霜。

下小樓

他那裡，因咱狂蕩，咱因他

痛感傷，幾番欲待不思量，待不思量他後，怎做得鐵

打心腸（雙聲子）江淹悶韓生念怎比得咱家恨（鶯啼序）
序千般事纔離心上又早來攢蹙眉尖天還可憐便
咫尺相見又且何妨（尾聲）情人早得同鴛帳免使我
心勞意攘執一炷盟香答上蒼

十樣錦一套

題情

張靈墟

（綉帶兒）燈兒下低頭自忖消磨了幾個黃昏夢回時
殘月孤篷花落後細雨重門思省（宜春令）是前生做
下今生怕今生又欠來生愁悶怎討得一宵恩愛暫
了半生緣分（降黃龍）難論無底深恩月下花前目成
心允幽期密訂幽期密訂受盡了從前多少寒暄（醉）

太平

心田錯將紅豈種愁根惡根苗苦藥方寸思量

不盡這千般旖旎半天丰韻

浣溪紗

性兒溫情兒順

最相應暗裡溫存可憐冤債告無門河陽天遠難投

奔咏木兒

何日方酬斷袖恩絮叨叨說與你們相逢

非是言無准匆匆自恨情難盡又早是雨打梨花泥

閉門

鮑老催

此情未伸花屏雨餘都減春韶光九十

無半分人不見枉嘆息空勞頓夢冷巫山一片雲下

小樓

便落得些夢中秦晉早人前商與參桃源有路

欲埋輪羨殺世人薄倖倒省得瘦損精神

雙聲子

水

中魚沙中雁怎討得愁中信

鶯啼序

心中事描寫在

紙上又相將、化作啼痕、其間怎言、自甘心寂寞、臥病
文園、(尾聲)綠慳咫尺如天、慳相思一曲、學啼猿、又恐
路上人聞也、斷魂、

六犯清音一套 四景宮怨

李日華

(梁州序)

鎖窗人靜、未央天遠、一似嫦娥無伴、玉容消

減、教人控過芳年、

(桂枝香)

何處流紅葉、無心整翠鈿、

(排歌)

春將老、恨轉添、梨花院落、冷鞦韆、

(傷絃臺)

怎如

得雙雙燕子、梁間語、怎如得兩兩鴛鴦、沙上眠、(更羅)

(龜)

長門望月、深巷鎖烟、琵琶寫不盡、思君怨、

(黃鶯兒)

悶懨懨、姻緣未了、何日賜溫泉、(前腔)雕簷風煖、香堦

紅淺屈指流光如箭等閒春去難教玉貌長妍。睚鳥
詩空在青鸞信不傳。慵薰麝。懶步蓮。含情獨倚小闌
前。怎禁得纖腰瘦怯。愁如海。怎禁得淑景舒遲。晝似
年。傷心時候。何處管絃。柰仙源咫尺無由見。枉埋冤
從來薄命。多半是紅顏。前腔紫簫雲散。王輪初現。忍
聽笙歌別院。重門深鎖。教人悔入甘泉。夢斷秦樓遠。
愁縈楚黛連。天街靜。露葉鮮。自慚新寵不如前。怎能
殼瑤琴寶瑟。春風館。怎能殼軟舞嬌歌。明月筵。羊車
聲斷。虎拆韻嚴。把幽情萬種傳秋扇。好涼天。臥看牛
女佳會。自年年。前腔綉宮添線。冰壺凝箭。風攪梁園。

雪滿謝庭才健，今毫嬾上花箋。魚鱗收來早，龍樓高處寒。眉橫黛髻，蟬嬾晚粧，新樣為誰妍。只愁看畫圖，悞寫春風面。又恐怕羅帶空留碧土，篇鴛幃獨守鳳膏。枉燃這新愁舊恨，都難遣。綺窓前，梅花和月，應笑我孤眠。尾聲。病容添，恩光淺。十年空列女官班。始信人生際會難。

嬾畫眉一套 題情

沈青門 梁少白改定

小名兒牽掛在心頭，揔欲丟時怎便丟。渾如吞却線和鉤，不疼不痛常拖逗。只落得一縷相思萬縷愁，不是路無了無休。鎮日縈牽不自由，難窮究。只因幾度

送雙眸、漫追求。假若他不應花前口，為甚麼還將熱
話兒、休相誘。有心待共鬆羅扣，不如早些成就。早些
成就。調角兒任勾差，隨時應酬，趁埋冤總然承受，不
爭差性命心肝，好一似爹娘骨肉。又何曾氣兒呵情
兒拗。話兒嘲，麗兒訕，一些相聞，隨衙聽候。朝來暮休，
但得箇尤雲殢雨，勝是封侯。尾聲憑將風月都投首，
不信冤家不轉頭。終有日飛上紅香燕子樓。

懶畫眉一套

旅思

胡德父

碧山紅樹，忽驚秋。蓴菜鱸魚興最稠。時同王粲一登樓，
遙聽江上琵琶奏。不覺青衫，汨暗流。不是路沾酒。

銷愁酒醒愁回無了休空消受一宵風雨滿床頭冷
颼颼無衣無褐誰相授魚鳥依稀魂夢幽情非舊吳
霜點髻腰肢瘦未能榮畫未能榮畫調角兒嘆淹留
空悲楚囚賦歸歟全輸五柳不能穀萱草忘憂空指
望桂花簪首最怕是杵聲敲簫聲咽雁聲哀蛩聲鬪
越添眉皺佳期未偶章臺懶遊只落得此時此際斷
送風流尾聲客鄉滋味君知否不玉悲情庾亮愁何
日開懷豁醉眸

懶畫眉一套

爽約

全道人

佳期久約在中秋及到中秋竟罷休空辜屈指與凝

眸嫦娥爲我傷情。寶月閉雲深，淚雨流。不是路，理合
相酬。我也將伊一筆勾。應還有春光，別處總堪收。一
番羞，被他閃得難消受。不道風流有盡頭，從今後薄
情始信非良偶。是吾差走，是吾差走。（調角兒）戀新人
渾忘故儔。看新人豈能長久。嘆恁箇覆雨翻雲，全不
把心來應口。明欺我囊中盡勢頭，孤髻毛斑，腰肢瘦。
打教落後逢花遇酒，風流頓休。只落得被人談笑，偏
逞風流。（尾聲）從來終始難成就。嘆尾生空勞株守，未
必他人似此失信儔。

懶畫眉一套

釋爽約

全道人

勸君且把火兒消、何苦花街又跳槽、新交怎比舊時
交、溫存未必如他好、待復爐時轉欠高、不是路我也
難拋、誰教他們沒下稍、真堪咲、空勞喜鵲夜填橋、悶
無聊、琵琶已向他船抱、我強把金尊將月邀、試語端
娥道、緣何不把圓光照、越添煩惱、越添煩惱、調角兒
他雖視山盟草蒿、我將他涵容方妙、我為甚不敢先
支應、是我有些欠到、但不識、或假意、或真心、沒奈何、
粧圈套也難分曉、魚沉雁杳、相待幾遭、少不得雪消
春煖、重續鸞膠、尾聲天長地久期非小、肯把工夫一
旦拋、爭得你似我心兒終始交、

懶畫眉一套惡遇

金道人

惡姻緣斷送一宵難、勉強支撐意懶寬、教人渾似坐
鍼苦、誰知媒妁無青眼、惹得冤家浪笑談、前腔強如
寂寞且休言、曾把佳人見萬千、難將冷眼一般看、身
邊自有嬌和豔、不比殺炭渾漿可等閒、不是路惡煖
憎寒、覆去翻來病幾般、風流汗、可憐變做泪潸潸、舊
姻緣、不由此際頻追念、急起披衣燈欲殘、挑燈看香
囊空在人難見、你在何方歡戀、何方歡戀、調角兒往
常時怕漏催銀箭、獨今宵捱却如年、方知道對面難
逢、也須是三生緣淺、倒不如梅花帳、竹方床、夢遊仙、

枕琴劒一番清、淡坐而待旦、蘭湯快燃、洗去了沾濡
污穢、另覓盤桓、尾聲呼童忙把車兒趕、我不是瞎倉
官糧收過、濫分付伊家、休再纏

鍼線箱一套

閨怨

自別來杳無音信、昨夜裡燈花未准、五行中合受淒
涼運、真箇是惱人方寸、有時節獨立在垂楊下、可柰
枝上流鶯和泪聞、合愁悶損、縷金衣上、一點點都是
啼痕、前腔過一日勝似三春、轉眼間春光又盡、害不
疼、不痛慊慊病、漸覺道帶圍寬褪、見落紅滿地香成
陣、只怕雨打梨花深閉門、合前解三醒、才寫下滿懷

愁悶便說與外人誰信、以文錦圖識不盡、誰訴與、斷腸人、幾番待撇心兒裡、越縈悶、又爭柰、一夜夫妻百夜恩、合今番病、非因害酒、只為傷春、前腔海棠花等閒憔悴損、今日裡、不見當年花下人、東君不管人離恨、漫吹散、楚臺雲、如痴似醉、悠悠勞夢魂、恨不得、一上青山立化身、合前尾聲為薄情、無憑准、終朝思想、淚盈盈、這樣傷春誰慣經、

新刻羣音類選清腔卷三

虎林 胡氏 文會堂 校選

賀鍾

絳都春一套

四景閨怨
小歇帖

王漢陂

情濃乍別為多才寸心千里縈結吐膽傾心把海誓
山盟曾共設風流却惹下風流業又檐上風花雪月
滿懷心事這離緒教我對誰分說出隊子花開花謝
又早春光應漏洩紅嬌綠嫩一似錦屏列觸處繁華
都綻徹嬌滴滴海棠花無心去折闌樊樓陽關數曲
宮商即鳳簫聲斷楚臺虛涉霧鎖黃金闕夢斷秦樓

月。挖楞事絃斷。撲咚的瓶墜。咕叮噹簪折。嚮噹噹把
菱花鏡碎跌。滴滴金。尋芳緩步聞啼鴂。柳畔黃鸝聲
弄舌。花飛碎玉呈郊野。料東君。歸去也。傷情慘切。悶
無言。倦將簾半揭。此情哽咽。滾滾楊花似雪。畫眉序
清和。傍佳節。麝館涼生。枕簟設。奈無情來往。戀香峽
蝶。逐荷風。點水蜻蜓池。沿內輕浮新葉。可惜。虛度納
涼夜。鮫綃上淚痕啼血。啄木兒。新蟬噪聲。哽咽浸水
盤藕絲。堆雪羅帕上題詩。將心事寫。仗南薰傳信也。
不思量舊日冰肌貼。不念枕簟同懽悅。不記得把同
心雙結。更不想為薄情瘦怯。三段子。井梧墜葉。到潮

陽情興別、金英萬疊、遶東籬、風味絕天香散、腐腸秋
宋玉悲何切、盼征鴻、天外行列、煩寄却魚封鴈帖、滴溜子
紗窓外、紗窓外、桂魄皎潔、銀臺上、銀臺上、晚燈
半滅、寶鼎餘香猶熱、西風翠被寒、蛩吟韻切、暗數盡
更籌、情思未徹、下小樓嘆嗟花殘月缺、捱連宵風雨
節、姻緣分定、受磨折、幾度思量、欲見爭柰路遠途跡
耍鮑老寒侵綉幄、嚴威冽、舞鵝毛、飄粉蝶、逋仙探梅
閑遊冶、暗香來、難尋折、烹茶謾啜、相思担兒何時歇
漸減桃腮頰、懨懨瘦怯、愁和悶、幾時撇、寬褪羅裙褶
粉黛飄香雪、雲鬢亂、金鳳折、展轉香肌別、只恐髻堆

雪尾聲窓前暗把音書扯為薄情弄巧成拙再不把
閑情來引惹

啄木兒一套

閨怨

莫雲卿

從別後泪暗流心上人兒怎捨丟想前生宿世曾修
幸今生得會鸞儔指望如魚似水恩情厚天長地久
相厮守豈料分薄緣慳不到頭前腔悶中悶愁上愁
自古情濃終不久病懨懨看甚來由瘦怯怯愁鎖眉
頭記當初共設神前呪如今一旦成虛謬只落得燕
去春殘空畫樓三段子靜中自躊躇張郎眉為伊常皺
閑中自求沈郎腰因他消瘦相思病要妥無能穀陽

臺夢重會無由就、回首巫山雲雨收。滴瀟子。恩情美，
恩情美，番為怨。尤風雲態，風雲態，變成禍仇。有日姻
緣重偶，相思一筆勾，仍諧鳳友。再訂前盟，願天長地
久。（見聲）相逢再把衷腸剖，往日相思付水流。永效鸛
鵲同白首。

畫眉序一套 元夜

花月滿春城，燈火輝煌月華明。看人間幻出閨苑蓬
瀛。花燈燦，冰壺明月映團圓。金鏡（合）帝京正值
元宵令，謳歌五穀豐登。前腔。簫鼓動春聲，綵結鰲山
謾施逞。看雲鬟翠袖，嬈娜娉婷，人叢裡素手相携。燈

影下香肩相並、合前神仗兒、良辰美景、良辰美景、燈
月千門、烟花萬井、彩樓珠樓相稱、有鬧竿百尺倒掛
絨繩、高點起萬枝燈、似落下滿天星、前腔燈兒有名、
燈兒有名、下下高高、齊齊整整、一盞牡丹、羣花簇定、
更芙蓉、菖菴、碧桃紅杏、金蓮沼、水澄澄、琉璃塔、焰騰
騰、滴溜子梅花燈、梅花燈、暗香疎影、雪花燈、雪花燈、
玉潔冰清、綉毬同心、方勝流蘇、絡索垂、撒花蓋頂、桀
閣重樓、千層萬層、前腔魚龍燈、魚龍燈、影動畫屏、觀
音燈、觀音燈、柳枝淨瓶、巧粧諸佛、諸聖、光明火焰中、
神通大逞、三教百工、行行等等、鮑老儺日華月精、金

雞玉兔裁翦成、雲霄望處鐘鼓鳴、燈花爛、燈影斜、燈
光映、圓燈宛轉方燈正、畫燈五彩紗燈淨、火傘兒、紅
油柄、前腔虎燈象燈、鷺燈鸞燈都像生、蝦燈蟹燈都
像形、羅綺叢、錦綉圍、笙歌競、佳人綉轂穿芳徑、王孫
寶馬敲金鐙、堪寫入丹青、雙聲子人歡慶、人歡慶、
預把佳期定、酒謾行、酒謾行、擺列華筵盛、奏錦箏、奏
錦箏、和鳳笙、和鳳笙、任醺醺、那管夜闌人靜、前腔空
時令、空時令、巧翦金花勝、烟靄輕、烟靄輕、香裊黃金
鼎、碧漢傾、碧漢傾、斗柄橫、斗柄橫、任醺醺、那管夜闌
人靜、尾聲盤桓且盡今宵興、托賴着吾皇、聖明歲

卷之三
歲年年賀太平

畫眉序 一套 春游

約友到西郊，萬紫千紅鬪輕巧。想當時羯鼓，
趙教開了，聽流鶯柳內，聞關看蜂蝶，花前飛遶。
合醉扶歸去，人爭笑，却不道就眠芳草。
前腔偏趁賞花朝，日暖風和上林好，看牆頭梅子，
滿枝青小。杏花村車馬紛紜，楊柳巷笙歌喧鬧。
合前前腔垂柳開天桃，方信人間勝蓬島。
喜蘭亭修禊，盡開懷抱。綠衣郎載酒尋芳，
粉女牽衣歡笑。合前前腔花下解金貂，倦倚東風聽
啼鳥。畫樓西日墜，轉添縈惱。醉沉酣酒盡金壺，人醉

酹花欹烏帽。合前。滴溜子。花和柳、花和柳、漫簇絳綃。
蜂和蝶、蜂和蝶、往來鬧炒。黃鸝聲巧。開尊泛紫醪、拚
沉醉、倒任取紅日。西墜。畫橋鮑老催。牡丹窈窕、遙觀
宛若楊妃貌。多情故、把人戲調。花顏妙、人意合、春光
好。今朝盡把壺觴靠。從教酩酊玉山倒。共花下、眠一
覺。雙聲子。眠一覺、眠一覺、把衣帽都撇掉。腔韻高、腔
韻高、齊和唱。川撥棹。酒興豪、酒興豪、越恁好、越恁好。
見明月、轉上花梢。尾聲。東君休與人作拗。莫把春光
辜負了。白髮從來不放饒。

畫眉序一套

西廂

蕭寺久停喪、水陸修齋赴法堂、猛相逢洛下、少年張
郎、這一點春色難藏、他兩下秋波來往、那時、惹起春
心蕩、鶯鶯在月下燒香、（鶯鶯兒）強寇為紅粧、擁三軍、
勢莫當、窮途母子多悽愴、張生在傍、修書數行、許退
兵之後、諧鴛帳、恨萱堂、背盟失約、孤負那棄王、（集賢）
賓湘裙半濕、花露香、悄立在明月西廂、簷馬無聲、更
漏長、聽高山流水琅琅、眠思夢想、他待學蘇卿模樣、
添惆悵、這意兒都鎖在翠眉尖上、（啄木兒）重思想、暗
忖量、都做了風流話一場、這相思地久天長、怎教人
捱得淒涼、夫人行半刻不輕放、紅娘坐臥相隨、恁這

是行雨行雲枉斷腸。
三段子松陰滿廊。想夫人睡正長。
花陰滿窓。喚紅娘出綉房。偷開金鎖。恐怕聲兒響。
蒼苔露濕鞋幫上。戰戰驚驚過那廂。
滴滴金張生喜事從天降。把萬斛離愁都撇漾。
觀多嬌容貌。好一似觀音樣。
論寒儒何福量。蜂喧蝶攘。百忙裡又把門兒放。
耍鮑老鸞衾象床。什東君自主張。猶魚煖躍桃花浪。
腥腥血染翠綃裳。香汗濕酥胸。唇吐胭脂絳。嬌花嫩蕊精神爽。
千金一刻非虛獎。鶯聲細。腰肢軟。眼微茫。
半晌魂飛蕩。兩意都懽暢。鸞和鳳。鴛與鴦。惟願取常相向。
休把誓盟忘。
尾聲從今勾却相思帳。一夜東

風破海棠把相國家聲將來喪女娘

畫眉序一套

閨怨
係十三腔入高平調

無意整雲鬟斗帳衾寒夜不眠謾傷春憔悴懶拈針
線喚丫環休捲珠簾怕羞覩雙飛紫燕悶懷先自心
撩亂怎禁他萬般消遣黃鶯兒羞對曉粧奩瘦龐兒
不似前可怜臂玉寬褪黃金釧香肌瘦減歌慵笑懶
這幾般兒都只為虧心漢枉埋冤當初是我不合和
你配青鸞四時花愁殺悶人天見樓兒上窓兒外皓
月斜穿更闌芙蓉帳冷春夢寒鴛鴦枕兒開半邊覺
來時愁萬千粉容憔悴懶貼翠鈿香肌瘦損羅帶寬

咫尺在目前，悄沒個稍書人。便恁天遠地遠，山遠水遠，人遠。
(皂羅歌)漸覺神魂勞倦，喚玉梅款款倚定香肩。甫能魂夢到君前，風吹簷馬滴溜溜轉，別郎容易見郎又難。思郎千里，怨郎幾番，千愁百恨，枉埋冤雕簷畔。鵲噪喧，幾番虛報信音傳。危樓上凭盡闌，幾回錯認去時船。
(解三醒)去時節早梅初綻，定約到燕子來時，人便還到。如今鶯老花殘後，怎不見去的人兒面。他在索樓上戀著別少年，却不道有箇人兒眼望穿。頻作念，許多時可惜辜負花前。
(浣溪紗)楊柳眉秋波眼，端的是為伊愁煩。年年三月病恹恹，真個惱殺

人也天要解愁腸除非是酒酒醒後悶懷重添瀟瀟
風雨送春寒滿院梨花啼杜鵑（柰子花）從伊別後更
有誰怜將心事仗托誰傳朝雲暮雨和誰戀同心帶
共誰同綰作念心似酒旗懸懸（葉賢賓）瑤琴鎮日續
斷絃待要撫操求鸞又被風吹別調間端的是為伊
拋閃緣慳分淺恁下得王魁手段伊行短全沒個意
回心轉（琥珀）貓兒薄情一去不覺又經年你做琴兒
學統繆這頭方了那頭圓迷戀還是甚日歸來舊家
庭院（啄木兒）把香囊綉書寄遠為你停針三四番綠
窻下豈無人見月下把綉針偷拈未曾題起先泪漣

把泪痕兒封去教他看這斑斑都是情人做出
泪兒眼玉交枝恁下得將人輕賤歹心腸鐵石樣
空教奴數得歸期晚寶釵劃損雕闌飛不過翠
離恨關挑不起重重沉沉相思擔要見他千難萬難要
見他除非是夢間憶多嬌天黯黯月慘慘房兒中冷
落衾枕單我這裡恨着更長他那裡偏嫌春宵又短
拜告蒼天拜告蒼天甚時殘月再圓月上海棠奴命
寒甚日脫得淒涼限記當初和你唱徹陽關兩三番
耳畔叮嚀全不把音書回轉同罰願負心的瞞不過
湛湛青天尾聲歸來必定重相見相見後依然歡宴

辦炷盟香香謝天

畫眉序一套

閨怨和前韵
係十三腔入高平調

蟬影亂低鬟春色撩人午未眠見陌頭楊柳嫩搖金
線送新愁無柰林鶯說舊恨何當梁燕恍然一點芳
心亂茸茸好難消遣黃鶯兒無語啓香奩這相思怯
似先倦梳粧冷落釵和釧香消翠減情多意懶恨無
能挿翅飛霄漢苦埋冤畫眉人遠羞澀怕臨鸞四時
花乍雨乍晴天嘆骨兒瘦腰兒軟舊衣難穿凭闌衡
陽渺渺魚鴈寒孤魂杳落雲樹邊望長安路八千奴
心堅比金共鈿君心料應難放換蒼天在眼前早不

今賜行人方便。柰雲散而收夢，沉書遠。皂羅歌睡起，
沉沉春倦，把指頭兒暗數流年。誰家鞍馬過門前，教
人幾度秋波轉。韶光易老，留他又難。東風作惡，恨他
幾番玉容寂寞，淚闌干。花陰碎，鳥韻喧。幾番錯認信
音傳。青燈下，皓月前。幾番空自望歸船。解三醒好時
光，綠肥紅綻，柰病債愁情相往還。桃花空滿玄都觀。
那劉郎怎得一面綠窗下，再四憶去年。教我泪雨飄
紅心，膽穿空憶念。星前月下，琴調玉軫，詩寫鸞箋，浣
溪紗。憶遠心傳春眼，難消受許多愁煩。落花烟雨正
懨懨，情意苦慘如秋天。雲鎖秦樓人未返，靜悄悄困

極悲添羅衾不耐五更寒風靜簷牙怯野鵲（李）子花
良辰虛度端的誰怜怪着他久無音傳天涯為甚常
畱戀莫不是別有牽縮應念舊情人眼兒懸懸（集）賢
賓誰家綠綺調素絃聲聲怨鶴愁鸞人在淒涼斗帳
間對一盞孤燈拋閃風流夢淺腸一寸截成千段長
共短專望你馬兒旋轉（琥）珀猫兒蛾眉宛轉能得幾
時妍花瓣難同昨夜鮮色光曾比舊時全淒然立盡
了萱蕕閒堦海棠庭院啄木兒容光褪心事遠只落
得長吁千百番問天道甚時得見無人處把瓣香偷
拈恁須知故園桃李嗟無伴隔岸花縱好休貪看涕

痕斑眼兒裡悠悠望斷湘水漾清漣（玉交枝）總富貴
休忘貧賤耳邊廂盟牢誓堅薄情一去歸何晚到如
今花老春殘音和信隔絕三疊關病和愁積起千來
擔怨着他離易會難想着他流落在路間（憶多嬌）天
色黯雲色慘惡相思惱殺形影單鎮日裡廢寢忘餐
端只為冤家情虧行短絮雪漫天絮雪漫天過牆頭
鞦韆影懸（月上海棠）簾半捲落花滿地愁無限厭聽
那枝頭百舌間關柰何他斷送春歸不肯喚行人回
轉設舊愿只憑着頭兒上一個青天（尾聲）當初記得
長亭畔約定在春初相見又早過清明穀雨天

畫眉序犯一套

閨情
入高平調

劉東生

鸚鵡報春晴，汗濕酥胸睡初醒，把簾鉤輕捲，散步閑行，
留不住幾樹花香，踏不折一枝梅影，形孤另，可惜辜負新春，
懶裁雙勝，錦堂月犯心驚，萱蕤微生，丁香暗結，教人覩物傷情，
懊恨東君韶光已破，三分二分付流水浮萍，一分襯馬蹄芳徑，
傷春病，因此上花鈿慵整，集賢賓犯慙慙，把酒多至誠勸東君，
須索長情，明歲重來期已定，倒不如就此留停，同歡同慶，兒秋
到碧梧金井，再叮嚀，留春不住，相送過洛陽城，黃鶯兒犯
回首問無憑，托香腮，泪暗傾，見雕梁雙燕長相

正這燕兒幾聲，那燕兒數聲，他把春愁說盡，難回應。
冷清清，倚圍屏，交頸鴛鴦綉不成。（一封書犯）紅光溜
小亭滿地胭脂，春草青，欲待要尋芳，穿曲徑，尤恐踏
碎殘紅，不敢行。惜春無計，誰來助情，惜花怨苦，誰來
辨明。（悄無言立盡）鞦韆影，皂羅袍犯，粉牆外，（犯）的的
蹬是誰家公子，策馬閑行，放金丸，花下打流鶯，分明
是偷香手，（跌）原端正。君無意，妾有情，隔牆空自眼睜
睜，看不見，恨轉增。夕陽揮淚，杜鵑聲。（卅州歌犯）東方
月又生，辨盟香金鼎，再拜虔誠。姮娥缺處，幾時許，我
圓成。清光照人孤另影，更覩牽牛織女星。暮然聽是

誰家庭院銀甲彈箏解三醒犯夜深露濕春衫冷手
把瓊窓悄悄扃了環報東君昨夜成婚配西窗今朝
已結盟傷心跌碎菱花鏡震滅瑤臺一盞燈孤幃冷
番來覆去眠不穩泪濕羅衫一片冰好姐姐犯厭聽
長更短更挨盡了銅壺寂靜心慵意懶方纔好夢成
初上陽臺喜雨歡雲猶未醒他人行春宵一刻價值
千金自恨我無緣把萬刻春宵一而傾僥僥令惜花
春有意愛月夜無情畢竟紅顏多薄命只得避香閨
守夜清尾聲梨花報與桃花告潔白妖紅兩鬪爭可
惜春光去怎生

畫眉序犯一套

關情入高平調

陸包山

烟煖杏花明，芳草東風燕子輕。羅袖上，傷春數點啼
痕，錦被空閑，鴛帳冷。對粧臺雲鬢倦，整形孤另，撇不
去半床幽夢。一枕離情，（集賢賓犯）冰肌瘦損，春病深
正。海棠庭院黃昏，滿徑蕭蕭寒月影，盡闌干和悶，閑
凭風清露冷。空立遍碧梧金井，有離人紫簫何處，吹
出斷腸聲。（皂羅袍犯）漸覺腰肢寬，褪恨冤家頓忘了，
海誓山盟，佳期約。我在梅花未生到，如今牡丹開後，
無音信。鬆金釧，倚畫屏，幾回目斷暮山青。思千縷，嘆
數聲。野雲江樹總銷魂。（香柳娘犯）看銀燈半明，看銀

燈半明瑞爐烟盡冷冷清清擁抱閑衾枕謾傷心咽哽
謾傷心咽哽蛾眉為誰顰玉容為誰損正孤眠未穩
正孤眠未穩子規何處鳴愁無盡聲聲訴與離人聽
又被簷鈴將我好夢驚滴溜子犯憑誰訴憑誰訴默
默此情幽窓下幽窓下針線慢停綉到鴛鴦交頸又
滴下相思幾點泪濕羅襟空對景暗傷神空對景暗
傷神(僥僥令犯)娘行難離側侍女緊隨身空有音書
魚魚雁誰肯做針兒將線引薄情人須記得香羅帕
上萬種恩情(鶯啼序犯)夜靜抱銀箏把冰絃謾整又
彈出燕孤鶯寡鳳拆鸞分自省恨只恨當初花下相

逢眼底情風又清月又明枉把青春虛度美景良辰
尾聲漏迤迤昏睡醒綉簾外重門寂靜深鎖着一天
愁悶

越調

番山虎一套

閨怨

陳海樵

夜雨滴空堦頓使離人愁滿懷
淚滴珍珠在胸前
搯翠屏空自靠綉衾懶去握香消金鼎燈昏寶臺空房
孤另守更長夜怎捱此際實無奈愁眉不展開
合短命喬才命短喬才去後音書漸乖
前腔身心一派枉自徘徊
想起情思渺夢魂到楚臺又被簷鈴闌猛驚

覺來不記得花前語把盟言盡鎖埋空自嗟謾自悲
多想他貪歡愛何時得再諧合前前腔他那裡珠圍
翠繞咱這裡形骸漸衰他那裡戀香腮咱這裡朱顏
改塵蒙鏡臺空開寶釵瘦得似沈郎腰蕭條羅帶悶
得似潘郎貌雙髻早白都只為分淺緣慳總是妾命
乖合甚日歸來但得歸來錦帳鮫綃再解前腔去時節
春花豔色到如今秋深時局全不想恩情重似山空
教我悶懷深似海懊恨喬才枕簟無眠下得人毒害
合前尾聲一床錦被空開在萬種離愁縈滿懷寂寞
難禁瀟瀟雨洒堦

番山虎一套

閨怨

祝枝山

楊柳色侵眸、猛撩離人心上愁、百結丁香、怎比柔腸
紐、畫闌開倚遍、綉簾懶上鉤、濃粧慵整、臨風強顰翠
眉、頻蹙損粉容嬌、害羞空惹黃花瘦、帶圍寬褪頭、合
漸減風流、漸減風流、怎奈相思未休、前腔悔教夫婿
拜將封侯、辜負繁華景、魂勞追舊遊、無柰枝頭鳥、一
聲聲好述、驚散了鴛鴦夢、翻成蝴蝶愁、雲又散、雨又
收、空道巫山秀、醒來不自由、合前前腔去時節、梧飄
金井、到于今、花填玉溝、全不想魚雁寄封書、多因是
鸞鳳成配偶、表記空留、自古貪他、反着他人手、合誰

與綢繆、誰與綢繆、忘了神前拜酬。
前腔莫不是錦帆根脚、莫不是瑞香多頭、莫不是醉還醒、野花村酒、莫不是利和名、朱門絲樓、空教我數盡歸期、斷釵剔銀毬。
合前尾聲春風舊路、歸楊柳、三唱陽關、泪暗流、早寫音書、央人萬里投。

亭前柳一套

閨怨

瓶墜寶簪折、人遠信鸞絕、又被玉奴催睡早、暗傷嗟。
合被兒被兒、溫不暖、冷如鐵、泪點兒漸成血。
前腔涕噴沒休歇、耳朵鎮常熱、聽得門前人報道、不歸也。
合前皇羅袍負却花臺月榭、柰玉簫聲斷、楚雲重、遮寶

春羞上七香車，因循過了清明也。離愁萬種，放不下
些，珍羞百味，嚙不下些。心兒裡待捨教我如何捨？前
腔最苦是如年長夜，聽蕭蕭窗外雨聲不絕。自從陽
關與郎別，衾衣更不薰蘭麝。從他去後，好的記些相
思魂斷，夢兒做些。心兒裡待捨教我如何捨？下山虎
香羅難綰，錦鴛雙結，任他雲鬢亂。好花倦折，那更綉
線慵拈。水沉懶爇，無限淒涼，捱未徹。從去後，半年別
整整思量。五六箇月，合女伴中不敢說。待擲金錢暗
卜，猶恐漏泄。前腔歸來磨問，看他分說，害得我伶仃
瘦。你忒狠切，直教他跪到更深。柳梢上月，管取臆膝

須見血、剛待忍、暫時撇取、次思量、又成哽咽、合前尾
聲千金寶馬歸來也、笑吟吟錦鞍初卸、把受過淒涼
從頭慢慢說、

山桃紅一套

紀情

王元和

暗思金屋、配合春嬌、是那一點花星照也、向這歡娛
中、深埋了禍根苗、從見了那妖嬈、便和咱燕鶯期鳳
鸞交、鶯鶯侶、直引得蜂蝶鬧也、恨不得折損柔條、誰
承望五陵人、先能穀小蠻腰、下山虎向芙蓉錦帳喜
度春宵、說不盡忔憎處、有萬般俏巧、割捨得葉損枝
殘、蕊開瓣凋、早一樹鉛華春事了、是咱思算少被傷

人一味裡攪猛可的祇神廟頓然火燒取次藍橋又被水滄倒（二犯閨寶釵）記痛別低低道你休得為我愁煩因我煎熬多嬌猶兀自恐憔悴潘安容貌越教我氣沖牛斗恨填滄海愁鎖霞霄（五韻美）為恩情傷懷抱追遊宴賞緣分少柰朱顏鏡裡先老書齋靜悄不敢展文公家教但只是研香翰染兔毫纔落紙便寫出風情翰林舊藁（四般宜）織字錦寄英豪焚金鼎告青霄端詳了雲翰墨越教我恨難熬全不寫雲期雨約但只訴玉減香消他道我風流性如竹搖忙登的在咱心上默地拴牢（五般宜）他那裡紅粧殘頓無

楚嬌咱這裡青衫濕漸成沈腰、他那裡血泪搵鮫綃、
咱這裡行裡坐裡五魂縹緲、他那裡耽煩受惱、咱這
裡離多會少、莫不是魯天下相思、我共他都占了、江
頭送別、腌臢悶、腌臢悶、甚時斷絕、懨煎病、懨煎病、甚
藥醫療、不敢對人明明道、只落得夢斷魂勞、憶多嬌
無福消、命難招、老天斷送鳳鸞交、形孤影吊夜迢迢、
天知寂寥、天知寂寥、管取和天瘦了、尾聲、眠思夢想
如花貌、這愁煩有誰知道、惟有一盞孤燈昏昏伴到
曉、

憶多嬌一套

男送別

中分謝主人

卿賦歸我泪垂，一月恩情一旦違。莫為相違心便灰。
合此際難為此際難為，鐵石心腸痛悲前腔。暫爾陪
難久隨，分付離歌且莫催。有甚閑情戀酒杯。**合前**關
黑麻我心上愁城，千堆萬堆卿心上相思。千累萬累
從此後，冷書幃度日如年。惟形是偎。**合**知心有誰須
通紅葉媒，早辦重逢。早辦重逢臨粧畫眉前腔。我不
忍薄情，唯天可推。卿有志不移，休將約虧。頻執手共
徘徊，努力加餐。前歡可追。**合前**

玉簫令一套

闌怨

鳳友鸞交從來少，下梢常言道。稱心好事，豈得堅牢。

一從我共他都做了花和柳各圖盡老和他兩好合
一好半步兒不暫拋誰承望到得如今釵分了西河
柳相思惱害得我沒分曉恨只恨短命俏冤家他去
了無踪魚沉雁杳不記得盟言并誓語信着外人挑
起一片陷人心全不記好(五)奧子最苦是冷蕭條最
苦是人靜悄最苦是啾啾唧唧寒蛩鬧最苦是悲悲
切切雁聲高最苦是嗶嗶噪噪砧聲攪好教我睡不
着眼睜睜巴明不能殼到曉(前腔)最苦是燈殘倦挑
最苦是離多會少最苦是寂寞偏嫌更漏杳一更鼓
有五點敲一點點有十數遍敲天只被他一聲聲敲

得我的愁腸斷了、尾聲更籌捱徹靈雞叫、雞叫後、
牌聲鬧便做陳搏怎生捱到晚

綉停針一套

秋景亦入絃索

蕩起商飈、金井梧桐葉漸凋、幾番雨過涼天道、迤邐
把扇兒慵搖、頓覺得紗厨裡似水、風流處可喜娘妖
嬈耳邊低道、今宵好、今宵好、絃扇且停搖、涼似昨夜多
少、祝英臺、畫堂深、人靜悄、秋意景偏好、風送暗香丹
桂芬芳、先占沁園秋早、開了、此時莫惜千金、花前歡
咲、賞心樂事、須拚沉醉、醺醺望歌兒、天然獨佔衆芳
開遍了、此花有百媚千嬌、不減蟾宮好、四出玲瓏花

神恁般然是向則是花頭兒雖恁小真有許多香得
好關寶蟾折取向膽瓶中安插了香滿庭軒恍若身
在蓬島皓齒纖腰那更歌舞勸香醪多嬌撚花枝時
嗅微微咲道勝如茉莉賽過荼蘼香似沉腦四般宜
攢攢簇簇縷金銷枝枝葉葉綴瓊瑤嬌嬌滴滴顏色
好瀟瀟洒洒恁清高香徑裡紅圍翠繞那堪受玉軟
香嬌月兒照越恁好佳人應咲嫦娥空老山麻客玉
露金風是他故交况良宵有月玳筵可邀如花貌逞
妖嬈問道奴嬌花貌嬌人月關嬌想丹青怎描儘消
得才人下筆吟嘲惜多嬌花又好月又皎惜花愛月

眠遲起早、暮暮朝朝、不離在表、賞足花前、怎教殘英
墜了、江神子且莫教兒童掃滿斟、一任玉山倒、醉眠
花下、勝如芳草、贏得滿身蘭麝、異香飄、風韻好、有餘
情、煞觀花愛月、須年少、且對酒、高歌歡笑、月夕花朝、
休教辜負了。

祝英臺一套

鶯燕蜂蝶

祝枝山

展金衣、彈玉管、求友競遷喬、衝破翠烟、一點深黃、分
得豔陽多少、輕巧把鳳笙銀葉、鬆調、唱道上林春好、
怎知道、却把佳人、驚覺、前腔、清曉、柳眉邊、花心畔、來
往、恣縈擾、裁翦綠陰、滯、滯、紅芳、一任把金梭呈巧、偷

瞧傷桃花巧語絲蠻細把春心訴告怪天女又向枝
頭聽了前腔知否差池上下于飛無計定新巢尾掠
翦口煙染烏衣紅杏枝頭春開向早謝東君細雨調
下點點香泥融了料應是幾片落花相攪前腔重到
其呢喃坊里尋鄰綠水尚圍遶城柳婚花送暖偷寒
結取舊時歡好蘇小道恨伊不管流年把春色銜將
去了却飛入昭陽姓趙沉醉海棠紅筍春色憑花附
草奈蛾兒把花心牽擾翠紅鄉終日追遊全不管瘦
腰纖小儘教他繡幙深藏管取暗中偷到前腔受用
盡花房深奧雌黃嘴硬媒強保倚疎狂侮弱欺嬌把

含心綻蕊都割花鬢好一任春褪嬌黃只落得味甜
香飽川荳蔻大都來輸他鳳子傭傭看炙日調風綠
愁紅惱道賈女香濃何郎粉少雙玉片薄翅顫搖趁
狂心舞風斜梟得意璫鬢輕料峭前腔世不似莊周
魂夢顛倒是則是宿粉樓香福分非小再休題舊恨
英臺下願把唐宮信報便拚取膩粉盡消莫待他落
花芳草櫻綠挨紅情渺渺尾聲雄蜂雌蝶綢繆好伴
雛鶯乳燕同老占斷花間四友交